

Qimusseriarsuarmi uumasunik eqqissimatitsivik pillugu Namminersornerullutik Oqartussat nalunaarutaat nr. 21 ulloq 17. maj 1989-imeersoq

Kalaallit Nunaanni pinngortitamik allanngutsaaliuineq pillugu Inatsisartut inatsisaanni nr. 11-mi ulloq 12. november 1980-imeersumi § 2 aamma § 19 naapertorlugit makku aalajangersarneqarput:

§ 1. Qimusseriarsuup ilaa kiisalu nuna sikulu tassunga atasut uumasunik

eqqissimatitsivissannngortinneqarput, tassanilu uumasut tamarmik eqqissimatitaapput.

Imm. 2. Uumasunik eqqissimatitsiviup sumiinnera nunap assingani ilanngussami takuneqarsinnaavoq avammullu killeqarfii (eqqissimatitsivik I) imaapput:

Sermersuup 500 m-sut qatsitsigissusiani allorniusamit $76^{\circ}22'30''N/64^{\circ}01'00''V$ -mit allorniusamut $75^{\circ}40'30''N/57^{\circ}56'00''V$ -mut. Allorniusamit taaneqartumit kingullermit kujammut-kimmut toqqaannartumik Tuttulipalummi Kap Lewis-imut, tassanngaaniillu toqqaannartumik qeqertat Saattut kimmur isuanut. Tassanngaaniit toqqaannartumik Qapiarfissallip kimmur isuanut, tassanngaaniillu Apusaaviup kujammut isuanut. Tassanngaaniit qeqertap Nallortup kujammut isuanut (Nallortup Nuua). Tassanngaaniit killeqarfik avannamorpiaq allorniusamut aallaavigisamut $76^{\circ}22'30''N/64^{\circ}01'00''V$ -mut ingerlaqqippoq.

Imm. 3. Uumasunik eqqissimatitsiviup killeqarfiata imm. 2-mi taaneqartup iluani ilorpasinnerusumik killeqarfeqarpoq (eqqissimatitsivik II), taassumalu avammur killingi imaapput: Allorniusamit $75^{\circ}32'40''N/59^{\circ}00'00''V$ -mit toqqaannartumik Nuussuup Qeqertarsuata kimmur isuanut, tassanngaaniillu toqqaannartumik Issuussarsuit kujammut isuanut, tassanngaaniillu Leven 0-p kujammut isuanut. Tassanngaaniit toqqaannartumik Qeqertapaluup (qeqertani Skene Øer-iniittup) kangimur isuanut, tassanngaaniillu toqqaannartumik sermersuup 500 m-sut qatsitsigissusiani allorniusamut $76^{\circ}22'40''N/61^{\circ}55'00''V$ -mut ingerlaqqippoq.

§ 2. Uumasunik eqqissimatitsivimmi piniarneq, aallaaniarneq, mannissarneq, angallanneq imaatigullu angalaneq tamarmik inerteqqutaapput kiisalu 500 m ataallugit timmisartorneq inerteqqutaalluni.

Imm. 2. Kisiannili inuit Upernaviup imaluunniit Avanersuup kommuneani najugaqavissut aammalu piniarnermik aallaaniarnermillu inuutissarsiteqavissutut akuerisaasumik allagartallit sumiiffimmi eqqissimatitsiviup I-ip eqqissimatitsiviullu 11-p akornanniittumi ileqqutoqqatik atorlugit piniarnermik aallaaniarnermillu ingerlatsisinnaatitaapput.

Imm. 3. Tassunga atatillugu ileqqutoqqat atorlugit piniarnerit aallaaniarnerit isigineqassapput umiatsiat qimussilluunniit atorlugit qaortanik qernertanillu qilalugarniarnerit, nannunniarnerit, aaffanniarnarnerit kiisalu puisinniarnarnerit.

§ 3. Eqqissimatitsiviup 11-p iluani eqqissimatitsineq tamanut atuuppoq.

Imm. 2. Kisiannili inuit § 2, imm. 2-mi aalajangersakkanik naammassinnissimasut eqqissimatitsiviup II-p killeqarfiata avataani nannumik pikkaluartaqarsimagunik eqqissimatitsiviup 11-p iluani

malersuisinnaatitaapput.

Imm. 3. Piniartup nannumik pikkaluartaminik malersuilluni eqqissisimatitsiviup 11-p killeqarfia ilummut qaangersimaguniuk angerlamut apuukkuni ingerlaannarluni politiit kommunalbestyrelselu kalerrissavai.

§ 4. Piniartut § 2, imm. 2 naapertorlugu sumiiffimmi eqqissisimatitsiviup 1-ip eqqissisimatitsiviullu 11-p akornanniittumi ileqqutoqqatik atorlugit piniarlutillu aallaaniartut sila pissutigalugu pisariaqalersillugu eqqissisimatitsiviup 11-p killeqarfiata iluanut oqqiartorlutik umiatsialivissikkiartorsinnaatitaapput.

Imm. 2. Eqqissisimatitsiviup 11-p killeqarfiata iluaniitilluni oqquiffissatut umiatsialiffissap tungaanut aamma tassangaaniit ingerlatilluni kiisalu tassani umiatsialisimanerup nalaani piniarneq aallaaniarnerlu inerteqqutaapput.

Imm. 3. Piniartup oqquilluni umiatsialinermut atatillugu eqqissisimatitsiviup 11-p killeqarfia ilummut qaangersimaguniuk angerlamut apuukkuni ingerlaannarluni politiit kommunalbestyrelselu kalerrissavai.

§ 5. Upernaviup Avanersuullu kommuneesa akornanni ileqqutoqqat atorlugit qimussimik angalanerit eqqissisimatitsiviup 11-p avataatigut pisassapput. Taamatut qimussimik angalasut sumiiffimmi eqqissisimatitsiviup 1-ip eqqissisimatitsiviullu 11-p killeqarfiata akornanniittumi puisinniarsinnaatitaapput.

§ 6. Timersornermut takornariarnermullu atatillugu Qimusseriarsuarmi qimussimik angalanerit taamaallaat eqqissisimatitsiviup 1-ip killeqarfiata avataatigut ingerlanneqarsinnaapput.

§ 7. Qimusseriarsuarmi umiartorneq § 2, imm. 2-mi taaneqartunik siunertaqanngitsoq sunaluunniit taamaallaat eqqissisimatitsiviup 1-ip killeqarfiata avataani ingerlanneqarsinnaavoq.

§ 8. Siunertanut ilisimatusarnermut tunngassuteqartunut atatillugu Naalakkersuisut aalajangersinnaavaat nalunaarummi matumani aalajangersakkat sanioqqunneqassasut.

§ 9. §-ini 2-mi, 3-mi, 4-mi aamma 7-imi aalajangersakkani ilaatinneqanngillat suliffeqarfiit Kalaallit Nunaanni atortussiassat aatsitassanit pisut pillugit inatsimmi aalajangersakkat naapertorlugit aatsitassanik misissueqqaarnermik, misissuinermik piaanermillu ingerlataqartut.

§ 10. §-ini 2-miit 7 ilanngullugu aalajangersakkat unioqqutinneqarunik akiliisitsissutaasinaapput kiisalu pisanik, piniutunik angallatinillu arsaarinnissutaasinnaallutik.

§ 11. Nalunaarut una ernerluni atortuulerpoq, peqatigitillugulu qimusseriarsuarmik eqqissisimatitsinissaq pillugu Kalaallit Nunaanni rigsombudsmandimiit nalunaarut 27. juni 1980-imeersoq atorunnaarsinneqarpoq.

Namminersornerullutik Oqartussat, ulloq 17. maj 1989.

Jonathan Motzfeldt

/

Aqigssiaq Møller

Ilanngussaq